



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. X. Proprietates quædam visionis beatificæ, prout circa objectum
suum versatur, declarantur.

urn:nbn:de:hbz:466:1-13718

SECTIO DECIMA.

Proprietates quaedam visionis beatificae, prout circa objectum suum versatur, declarantur.

I. An dari possit visio concomitans creaturam cum Deo.

QUAERES primò: darine possit visio, quae concomitantè videatur Deus & creatura. Hæc non esset omnino visio creaturarum in Deo; nam non ex vi Dei visi, sed aliunde determinatur intellectus Beati ad videndum creaturas, quamvis eadem indivisibili cum Deo visione cernantur.

II. Ostenditur, possibile esse visionem hanc concomitantem.

Pater Suarez hæc, lib. 2. cap. 25. num. 45. & 50. negat hujusmodi visionem concomitantem, quae disparatè simul cum Deo videatur creaturæ, esse possibilem. Mihi tamen multò probabilius videtur dari divinitus posse istiusmodi visionem; Angelus enim res alias, ut sex Angelos, Solem, & Lunam, cælum, & terram, & id genus alia objecta videre eadem visione concomitantè potest, ac disparatè; quidni ergo per Divinam saltem potentiam effici potest visio, quæ Deum & creaturas hoc modo repræsentet?

III. Duobus modis produci potest hæc visio.

Ratio autem est; nulla enim vel apparens est implicantiæ, cur Deus nequeat species creatas assumere ad eandem secum visionem producendam, quæ, cum & ab objecto creato procedat, & increato, utrumque, Deum scilicet & creaturas, indifferenter repræsentabit. Alio etiam modo produci potest hæc visio, nempe, si Deus, non operæ species intelligibilis creatæ, sed per se immediatè visionem illam, etiam prout est repræsentatio creaturarum, producat.

IV. Visio beatificæ est quidditativa.

QUAERES secundò: utrum visio beatifica sit quidditativa? Respondetur, esse respectu objecti primarii, nempe Dei; cognitio enim quidditativa illa est, per quam clarè & distinctè cognoscitur tota quidditas, seu essentia alicujus rei, ita ut ex vi hujus cognitionis certissimè dicere quis possit, quid res illa sit, eamque ab omnibus aliis discernat.

V. Cognitio quæ omnipotentia sola, aut scientia in Deo cognoscitur, non esset quidditativa.

Dixi, per quam cognoscitur tota rei quidditas; sicut enim, ut dixi Disputatione decima-nonâ, de Anima, sectione prima, numero septimo, si cognosceretur tantum animal, non esset cognitio quidditativa hominis; ita si videretur unum tantum vel alterum attributum, *Omnipotentia* scilicet, aut *Scientia*, visio illa non esset cognitio quidditativa Dei. Dices, saltem erit quidditativa respectu *Omnipotentia*. Respondetur, fore quidditativam tantum inchoatè, & secundum quid; per cognitionem namque quidditativam, intelligunt omnes illam quæ est de re aliqua completâ & integrâ, ita ut ex vi illius dicere quis possit, *Est hæc vel illa res, Petrus, Paulus &c.* ac proinde cognosci per illam debet ultima rei differentia. Quod si quis instet, per actum illum cognosci ultimam differentiam *Omnipotentia*, prout ab aliis attributis distingui-

tur, & propterea contendant esse quidditativam, litigat de nomine: quidditativa siquidem cognitio, ut dixi, solum est de re aliqua simpliciter dicta, seu de aliquo individuo.

QUAERES tertio, an visio beatifica sit intuitiva? Respondetur, respectu Dei esse intuitivam. Ratio est, nam visio intuitiva, ut in libris de Anima, loco proximè citato dixi, est quæ & in objectum pro aliquâ temporis differentia existens fertur, & immediatè in illud tendit, quorum utrumque in visione beatifica respectu objecti sui primarii perfectissimè reperitur.

VI. Visio beatificæ est cognitio intuitiva.

QUAERES quarto: sitne visio beatifica, *Scientia* speculativa, an practica? Aliqui practicam eam statuunt cum Scoto; alii speculativam. Dicendum tamen, respectu objecti primarii, nimirum Dei, esse purè speculativam, cum non sit de objecto operabili, seu productibili à cognoscente, in quo conceptus & essentia scientiæ practicae sita est, ut Disp. decimâ Logicæ ostendi. Respectu tamen objecti secundarii, prout nimirum res aliquas creatas in Deo cognoscit, potestque ad earum effectivum dirigere, varios scilicet actus virtutum, & hujusmodi, est practica.

VII. Vtrum visio beatificæ practica sit, an speculativa.

Neque hoc est contra S. Thomam 1. 2. q. 3. a. 5. solum namque ait, Visionem beatificam esse tantum speculativam prout spectat ad beatitudinem essentialem: nec enim ab beatitudinem essentialem propriè pertinet, nisi prout terminatur ad Deum, seu objectum increatum, quod solum beat. Dices, visio beata repræsentat Deum ut diligibilem, ergo etiam respectu objecti primarii est practica. Respondetur, negando consequentiam: propter hoc enim ad summum est practica respectu amoris seu dilectionis Dei, ad cujus effectivum dirigere potest, non respectu Dei ipsius, qui omnino non est factibilis; respectu cujus proinde nulla dari potest scientia practica.

VIII. Quo sensu S. Thomas visionem dicat esse tantum speculativam.

QUAERES quinto: Utrum visio beatifica sit apprehensiva, an judicativa? Respondeo: Esse perfectissimè judicativam; per eam namque cognoscit Beatus, Deum esse, esse *Omnipotentem*, *Omniscium*, &c. judicium autem solum est, per quod reddimur scientes; per apprehensionem quippe non magis asserimus rem esse, quam non esse, sed indifferentes sumus ad utramque partem contradictionis. Est etiam actus simplex, & incomplexus, ex nullis partibus compositus, nec ex præviis apprehensionibus, ut in nostris judiciis contingit, progenitus.

IX. Visio beatificæ est perfectissimè judicativa.

QUAERES sexto, An visio beatifica possit esse discursiva? Questio est, utrum Beati elicere conclusiones aliquas possint, visioni beatificæ, tanquam alteri præmissæ, innitentes. Hanc questionem supra Disputatione primâ, sect. 15. n. 2. proposui, & fusiùs discussi; ubi contra P. Vasquez ostendi hoc fieri sine incommodo posse, nec quidquam ob stare quo minus, sicut hic in viâ actibus fidei, ita in patriâ beati visione beatâ ad varias conclusiones inferendas uti queant. Utrum autem visio beata sit incorruptibilis, dicetur in Materia de Beatitudine.

X. Visio beatificæ potest esse discursiva, seu præmissa, ex qua deducatur conclusio.